

Zijad Jagodić:

1. Inicijativa upućena Agenciji za privatizaciju u Federaciji BiH i Direkciji za privatizaciju Republike Srpske – “Za nadležne agencije za privatizaciju - da za sve firme koje su prodali po odlukama Vlade Federacije BiH, Republike Srpske kao i kantonalnih vlada, a u kojima se ne ispunjavaju ugovorene obaveze (uplate doprinosa, poreza, ličnih dohodaka, kao i ulaganja na koje su kupci pristali), odmah pokrene postupak za raskid ugovora pred nadležnim sudovima. A da isti (sudovi) takve predmete uzmu u razmatranje po hitnom postupku, tj. u roku od 30 dana, kako bi se spriječio daljnji kriminal i njihovo uništavanje.”
2. Inicijativa upućena Federalnom ministarstvu prometa i komunikacija – “Imajući u vidu osjetno poboljšanje stanja u radu Željeznica Federacije BiH, kako po ukupnom obimu transporta, tako i organizaciji poslovanja, predlaže se Ministarstvu prometa i komunikacija Federacije BiH da što prije predvidi neophodna sredstva za temeljitu revitalizaciju željezničke infrastrukture (gornji i donji stroj, objekte, signalizaciju, kao i određeni dio suprastrukture tj. teretne vagone).”
3. Pitanje postavljeno Ministarstvu za ljudska prava i izbjeglice BiH – “Imajući u vidu da najviši organi vlasti na teritoriji BiH krše elementarna ljudska prava i slobode iz Opće deklaracije UN-a, kao i Povelje EU, te Deklaracije o eliminaciji svih oblika netolerancije i diskriminacije na osnovu uvjerenja ili religije poštovanja prava i to za žene koje nose tradicionalnu maramu, pri čemu su potpuno diskriminirane i neravnopravne pri zapošljavanju u bosanskohercegovačkom sudstvu. U skladu s članom 17. Zakona o slobodi vjere u BiH, tražim od Ministarstva za ljudska prava i izbjeglice BiH koje je nadležno za rješavanje ovih pitanja i koje ima pravo i obavezu svim državnim, entitetskim, kantonalnim i općinskim vlastima ukazati na slučajeve kršenja prava na slobodu vjere i običaja, te zahtijevati preduzimanje zakonom propisanih mjera kojima se sprečavaju takva kršenja.”